

本书出版得到国家古籍整理出版专项经费资助

清代吏治史料

线装书局

吏制改革史料

四

清代吏治史料

綫裝書局



吏部等部經筵講官太子太保保和殿大學士兼管吏部戶部書事加

二級臣張廷玉等謹

題

為詳請察奪批議事該臣等會議得湖南巡撫王國棟等疏稱長沙府屬之湘潭縣朱亭市乃衡山茶陵攸縣及江西省水陸通衢商民輻輳為要隘之區縣丞在城並無專官之事請移駐朱亭彈壓朱亭附近地方亦應責成巡緝將朱亭之上傍陂港抵衡山縣界下至泗州站抵醴陵縣界前以大河後抵衡山攸縣二界并對河上至樊田下至三門灘地方巡緝盜賊稽察保甲嚴禁行兇賭博盜宰耕牛等事俱歸該縣丞管理允取結查恭疎防惟縣丞是問其人命戶婚田土詞訟不許干預等因前來 查

湖南長沙府湘潭縣縣丞該撫等既稱在城並無專官之事其朱亭市為水陸通衢請以移駐等語應如所請湘潭縣縣丞准其移駐朱亭市允巡緝盜賊稽察保甲嚴禁行兇賭博等事悉令該縣丞管理其人命戶婚田土詞訟不許干預 又疏稱衡署請將縣治舊署變價於朱亭起造如

有不敷將公項撥給工竣造冊報銷書役人等該丞衙門原有舊制毋庸添設等語亦應如所請將湘潭縣縣丞舊有衙署確估變價蓋造移駐朱亭市衙署倘有不敷仍令動支公項銀兩俟工竣之日將所需工料逐一明晰脩造細冊具題查核題銷恭候

命下 臣部等部遵奉施行臣等未敢擅便謹

題 精

旨 雍正七年五月初七日題本月初九日奉

旨 依議

經筵講官太子太保保和殿大學士兼管吏部戶部尚書事加二級臣張廷玉
等謹

題

為請裁閒冗之筆帖式事該臣等議得鎮守福州等處將軍阿爾賽疏稱竊查
福州將軍衙門有筆帖式四員所辦之事因屬繙譯文移登記檔案但近年以
來一切章奏文移但用漢文漢字並無繙譯之處間有清字部文往來整歲無
幾有筆帖式二員儘足辦理其餘二員實閒冗所有廩祿難容虛糜相應請裁
赴部另用再查筆帖式鄂色因病解退新補之員尚未到關合併聲明等因前
來查鎮守福州等處將軍衙門額設筆帖式四員今該將軍既稱有筆帖
式二員儘足辦理其餘二員實屬閒冗所有廩祿難容虛糜相應請裁赴部另
補等語應如該將軍所請筆帖式四員准其裁去二員將現在衙門辦事之筆
帖式三員內挑取二員辦事其餘一員令該將軍給咨赴部照例補用再筆帖
式鄂色既經病退其員缺應毋庸補放俟

命下之日臣部遵奉施行臣等未敢擅便謹

題請

昔雍正七年五月初七日題本月初九日奉
旨依議

巡撫山西太原等處地方提督鴈門等關軍務兼理雲鎮都察院右副都御史加一級降一級留任臣覺羅石麟謹

題

為飭行查議事該臣查得晉省幅隴遼瀾地方之衝僻疆域之險易各有不同職守巡防縣令一官有不能兼顧者宜加籌畫如朔平府左雲縣屬之高山城助馬口右玉縣屬之殺虎口威遠堡平魯縣屬之井坪城及澤州府沁水縣屬之端氏鎮中村鎮等處或旗民繁雜宵小易於潛踪或地廣人稀案犯不無藏匿武弁不預民事文職稽察難周務須添設專員巡防彈壓庶於地方民生有益經臣檄飭據署布政司印按察使蔣洞等詳稱查得右玉縣殺虎口旗民雜處應設巡檢一員職司巡緝又左雲縣高山城地方廣濶應設巡檢一員分防稽察助馬口地臨口外應設巡檢一員與武職互相稽查又平魯縣井坪城途各險僻應設巡檢一員就近巡防至沁水縣之端氏鎮係三岔要路應設專員巡緝查該縣現有東塢嶺巡檢一員向存嶺上稽查今查嶺之東西均有武弁防守中間並無公道

巡檢一員可以移易請將東塢營把總管領馬步戰守兵六十三名內酌撥兵十一名在東塢嶺上盤查將東塢嶺巡檢於瑞代鎮遷移駐劄以資彈壓巡緝實屬有益其中村鎮離縣不遠只應撥兵防守查東塢營現有兵丁應令該營弁酌撥公同縣捕於此協力巡查毋庸添設巡檢等情查明詳議前來經臣覆查無異至請添巡檢司五缺如蒙

俞允查晉省佐雜等員有從前已經裁缺尚未離任人員經臣

奏准遇有本省缺出即為調補今應即於此裁缺人員內酌擬咨部補授如銜缺不甚相當人地不甚相宜無可調補者另行咨部銓補似於地方民生實有裨益謹

題請

旨雍正七年四月二十四日題五月初九日奉

旨該部議奏

吏部等部經筵講官太子太保保和殿大學士兼管吏部戶部尚書事加二級
臣張廷玉等謹

題為密陳改土歸流事該臣等會議得湖廣總督邁柱等疏稱湖南保靖桑植永
順三土司新經改土為流先後奉

旨俞

允在案今查永順地方幅員三千餘里東南一帶地廣千餘里舊有司治人烟
輳集為東南遼中之地應設知縣一員典史一員又田王二崗距司治二百餘
里地遠人頑於田家崗設巡檢一員又司治以東六十里地名施溶州與沅陵
縣永定衛連界亦屬要地應設巡檢一員分司稽查歸舊司治之知縣管轄再
永順西北一帶亦地廣千餘里人烟稠密為西北遼中之處地名江西寨設知
縣一員典史一員又離江西寨一百二十里地名隆頭與川省酉陽連界議設
巡檢一員分司稽查歸江西寨之知縣管轄其永順原設大喇司巡檢一員相
應裁汰又保靖地方幅員四百餘里查舊司治人烟輻輳且為遼中之地議設
知縣一員典史一員保靖西南之張家壩離司治一百里與四川平茶司接壤

要路議設巡檢一員以脩稽查歸保靖之知縣管轄其保靖原設同知一員相應裁汰又桑植地方幅員三百里並無城垣查桑植以南五十餘里見屬九谿衛之安福所人烟輳集城址猶存且為河道通衢今將安福所割歸桑植合為一縣即于安福所設知縣一員典史一員查分設縣治統率不可無員今議設知府一員管屬所設四縣以辰沅靖道兼轄永順司治為桑保道中之地即以議設知府駐劄則文移往來勞逸可均仍設經歷一員以脩該府指臂之用至於永順原設同知一員相應裁汰并永順之南有鎮谿所之喜鵲營與沅陵瀘溪及永保交界係民苗襟慶之區非設大員不足以資彈壓所有永順議裁同知應請移駐喜鵲營肅司督理永保議設二縣捕務永順之江西寨地處極邊最為緊要應將桑植同知裁改為通判移駐江西寨縣治肅令督理安福所及江西寨議設二縣捕務等語 應如該督等所請准其於永順之東南舊司治添設知縣一員典史一員田家崗并施溶州地方各設巡檢一員分司稽查歸舊司治添設之知縣管轄永順西北之江西寨准其添設知縣一員分司員隆頭地方准其設巡檢一員分司稽查歸江西寨添設之知縣管轄

司巡檢准其裁汰保靖之舊司治准其添設知縣一員典史一員西寧之舊司治准其添設巡檢一員歸保靖添設之知縣管轄其保靖原設同知准其裁汰安福所准其歸併桑植合為一縣即於安福所添設知縣一員典史一員西寧之舊司治准其裁汰另設知府一員管轄新設四縣駐劄永順地方設經歷一員以資彈壓府仍聽辰沅靖道兼轄其永順同知准其移駐喜鵲營地方以資彈壓司督理永保新設二縣捕務桑植同知准其改為通判移駐江西寨縣治尚令督理安福所江西寨新設二縣捕務內除永順同知係移駐外其桑植同知既改為通判保靖同知大喇司巡檢既經裁汰現任桑植同知李珣保靖同知劉自唐大喇司巡檢曹輝祖應照無任可到之例留於本省俟有相當缺出該督撫酌量題補又疏稱永順地方與桑保二處接壤應設副將一員守備一員千總二員把總四員兵丁八百名查桑植見有副將一員今桑土已定應將該副將移置永順駐劄所需備升兵丁查湖北均房營防守止一州一縣而兵有九百六十名守備二員千總四員把總八員應撥均房石營守備一員千總二員把總四員兵丁一百六十名抽撥辰州協兵一百九十五名永定營兵七十名

總督標兵六十名南巡撫標兵二十名北巡撫標兵二十名提督標兵一百二十五名桑陵鎮標兵一百五十名總歸永順協共足應設將備弁員兵丁之數又保靖地方應設遊擊一員守備一員千總一員把總二員兵丁四百名查永定一營原為控制土司而設今桑植等處既歸版圖應將永定營遊擊一員裁改為保靖遊擊其永定營止留原守備一員千總一員把總二員帶兵二百五十名防守餘兵二百名撥歸保靖於九谿協抽兵五十名湖北均房營撥兵五十名再宜都一營內有桑陵重鎮扼守東有荊州大兵駐劄應將該營守備一員千總一員把總二員兵一百名撥歸保靖以足應設弁兵之數餘兵二百七十五名如桑陵鎮標內撥守備一員把總二員率領宜都兵丁仍照守備制營之例為宜都守備營需防汛守其保靖永定二營俱聽永順副將統轄又查桑植地方戶止一千有餘毋庸設立遊擊即將九谿協守備一員千總一員把總二員帶兵三百名駐防桑植司治足資彈壓仍聽九谿協遙制以上永順設兵八百名保靖設兵四百名桑植設兵三百名共兵一千五百名統計所撥副將遊守千把兵丁俱係撤移調用並未另設官兵亦未另增糧餉之轉移間營制

俱定不必另為添設等語亦應如該督等所請。准其於永順地方設立副將一員、守備一員、千總二員、把總四員、兵丁八百名。查桑土已定應准其將桑植現有之副將移駐永順、改為永順協副將。所需備弁兵丁准其於均房石營撥守備一員、千總二員、把總四員、兵丁一百六十名。辰州協撥兵一百九十五名。永定營撥兵七十名。督標撥兵六十名。南撫標撥兵二十名。北撫標撥兵二十名。提標撥兵一百二十五名。桑陵鎮標撥兵一百五十名。總歸永順副將管轄。共足應設將備弁員兵丁之數。其保靖地方准其設立遊擊一員、守備一員、千總一員、把總二員、兵丁四百名。仍准其將永定營遊擊裁汰改為保靖營遊擊。具永定營止留該營守備一員、千總一員、把總二員、帶兵二百五十名。為永定營守備。尚防汛守。其永定營餘兵二百名撥歸保靖。再於九谿協抽兵五十名。湖北均房營抽兵五十名。宜都營撥守備一員、千總一員、把總二員、兵一百名。總歸保靖營遊擊管轄。以足應設弁兵之數。其宜都所餘兵二百七十五名。准其於桑陵鎮標內撥守備一員、把總二員、率領宜都兵丁仍照守備營制之例。為宜都營守備。尚防汛守。其保靖營遊擊、永定營守備俱聽永順副將統轄。再查

桑植地方戶止一千有零毋庸設立遊擊准其將九谿協撥守備一員千總一員把總二員帶兵三百名駐防桑植司聽九谿協節制仍令該督將改撥將備弁員兵丁花名造冊送部查核

又疏稱所立知府知縣各官應請照苗疆員缺事例於通省屬員內揀選題補等語查苗疆新闢非熟悉風土之員不克勝任新設知府一員知縣四員應照苗疆要缺之例令該督撫於通省現任屬員內揀選題補其新設經歷巡檢典史各官亦令該督撫於現任雜職內揀選咨部調補

又疏稱桑保永兵丁營房業經撥動公項蓋脩毋庸置議其桑植司原有衙門應歸改設之守備駐劄其永順保靖副將遊守千把以及議設大小文員衙署并倉庫監獄查各土司原有官房數處惟湏稍加修補即可居住如有重新建蓋確估造冊另按其題等語亦應如該督等所請除將桑植保靖永順兵丁營房動用公項蓋造毋庸置議外其桑植司原有衙門應歸改設守備駐劄至永順保靖副將遊守千把以及議設大小文員衙署併倉庫監獄將各土司原有官房數處酌量修補駐劄如有重新建蓋之處應實確估將所需工料銀兩脩造細冊具題到日再議

又疏稱

圍疆界督勘田糧戶口分設駐防汛地驛站夫馬及鋪遞工食官俸役食等項見委辰沅靖道王秉親歷查勘繪具圖冊及勘丈田畝編查戶口保甲一切應行事宜俟議設各有司到任後逐一確查妥議另疏具題等語亦應請將議設四縣週圍疆界督勘田糧戶口分設駐防汛地驛站夫馬及鋪遞工食官俸役食等項俟委員辰沅靖道王秉親歷查勘繪具圖冊題報到日再議其勘丈田畝編查戶口保甲一切應行事宜俟設各有司到任後逐一確查妥議另疏具題 又疏稱既立縣治即宜建立學校但苗疆新闢惟先令暫設義學廣選俊秀子弟延師訓迪統俟年久民風丕變人文蔚起之日應設教諭訓導等官并取進生童再議題請等語查新設縣治均係苗疆新闢應如該督等所請先准其設立義學擇本省貢生生員內熟習風土品學兼優之士令其實心教誨量與廩給俟教導有成其貢生生員該督撫酌量獎賞至所稱建學設官并取進童生之慶統俟人文漸盛具題到日再議至新設一府四縣令內閣選擬佳名進

呈

欽定後移咨禮部鑄給知府知縣經歷印信及副將遊擊守備關防巡檢印信應俟該撫擬定字樣到日再行鑄給至副將遊擊應給勅書移咨內閣照例頒給恭候

命下之日臣部遵奉施行臣等未敢擅便謹題請

旨雍正七年五月十二日題本月十四日奉旨依議

兵部尚書兼都察院右副都御史總督廣東等處地方軍務兼理糧餉駐劄聲
度府加九級臣孔毓珣謹

題為遵

旨議覆事該臣看得准吏部咨奉

旨大使管理鹽務關係錢糧職任卑微不足彈壓商竈其應選用何項人員及量加

品級之處該部定議具奏欽此經部議覆于候選知縣州同等官揀選引

見命往効用此外有本省及他省人員才可辦事身家殷實許于該管衙門具呈現

任大使令該督撫詳加甄別有廉幹勤慎剔除鹽弊者准其保題等因行據廣

東鹽運使黃文煒會同署理廣東布政使王士俊先後具詳前來臣查廣東鹽

場大使十一員除白石場大使王如珩已經到任歸德東莞二場大使于特叅

怠忽案內聲明請補海晏隆井場大使俱先後丁憂員缺外查淡水場大使呂

國昌等二員才可辦事俱堪留用于小場姓峒場大使裴敦仁等四員係尋常

供職應照例留于本省遇未入流之缺改補臣又詳悉酌量淡水石橋二場產鹽